



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. XIV. De Ecstasi & raptu. Quid & quotplex sit ecstasis. Quae ejus causae, qui effectus. In quo differat à raptu. Quibus signis ecstases & raptus divini à naturalibus & daemoniacis discernantur.

urn:nbn:de:hbz:466:1-10805

cum, propter quod vir probus consolations experit, ad mentis scilicet illustrationem, ad ampliorum rerum divinarum cognitionem, ad humilitatem, ad fortitudinem, & ad ardenterissimam charitatem consequendam. Neque omitenda tempore desolationis consuetae exercitationes; neque mutanda quæ alio tempore constituta sunt: non enim potest sibi benè consulere animus æger. Nobis denique persuafissimum esse debet, desolations munera singularia divinae providentia, experimenta solidæ virtutis, & maximi erga nos amoris indicia esse, que non nisi per fidem percipi possunt. Ideo in omni tribulatione vitam pacatam & quietam degere & conservare par est, *Justus enim ex fide vivit*, ut ait Propheta, (n) & confirmat Apostolus, *vivit nimurum vitâ spirituali*, quæ ex principiis fidei nata, iisdem regitur & roboratur. Fides autem docet, probari justos afflictionibus sicut aurum in fornace, momentaneum hoc & leye tribulationis nostræ æternum gloriae pondus in nobis operari, Deum nobiscum esse in omni angustia, ejus nutu cuncta disponi, tristitiam tandem in gaudium mutari, sicut dicit Psalmus, (o) , *Cum ipso sum in tribulatione, eripiam eum & glorificabo eum, & ostendam illi salutare meum*. Quæ verba exponens Bernardus (p) sic loquitur. *Cum ipso sum in tribulatione, ait Deus: & ego aliud interim requiram quām tribulationem? Mihī adhærere Deo bonum est, non solum aitem; sed & ponere in Domino spem meam: quia eripiam eum, inquit, & glorificabo eum. Bonum mihi Domine tribulari, dummodo ipse sis mecum, quām regnare sine te, epulari sine te, sine te gloriari. Bonum mihi Domine in tribulatione magis amplecti te, in camino habere te mecum, quām esse sine te vel in celo.*

CAPUT XIV.

De Ecstasi & Raptu. Quid & quotuplex sit Ecstasis. Qua ejus causa, qui effectus. In quo differat à raptu. Quibus signis Ecstases & raptus divini a naturalibus & demoniacis discernantur.

I. **D**E triplici instinctu, divino, diabolico, & humano hactenus, sicut potui, disserui, afferendo quæ certa sunt, de incertis dubitando: reliquum est, ut de veris ac divinis revelationibus à falsis & diabolicis discernendis

(n) *Habac. 2. 4. Rom. 1. 17.* (o) *Pf. 90.* (p) *Ser. 17. in bunc Pfal.*

consequenter agam; quæ tractatio difficillima est, propter varias diaboli fraudes & illusiones. Quia vero ut plurimum nihil homini revelatur, nisi prius extra sensus raptus fuerit, & visio sive apparitio aliqua praæcesserit; ideo prius de Ecstasi & Raptu, deinde de visionibus & apparitionibus, demum de revelationibus tractabo, ea breviter attingens, quæ ad meum propositum pertinent, curiosis & superfluis quæstionibus prætermillis. Ecstasis idem est ac mentis excessus, quando sensus externi ita sunt impediti, ut non solum non operentur, sed nec operari possint, aut ab objectis exterioribus excitari. Augustinus describens Ecstasim ait, (a) *Ecstasis est mentis alienatio à sensibus corporis*. Et alio modo, *Ecstasis est mentis excessus, quod aliquando pavore contingit, nonnunquam vero per aliquam revelationem, & alienationem à sensibus corporis, ut spiritus quod demonstrandum est, demonstretur*. Cùm enim sensus impedianter mentem, ne divina percipiat, ideo Ecstasis necessaria est, ut occulta sapientiae suæ manifestet homini Deus, & mirabilia sua in eo operetur. Seraphicus Doctor hanc Ecstasis definitionem laudat: (b) *Ecstasis est deserto exteriori homine sui ipsius supra se voluptuosa quedam elevatio ad superintellectualem divini amoris fontem*. In Ecstasi enim supernaturali, de qua nobis præcipue sermo, rapitur anima extra sensum ad amandum Deum, vel ad ipsum audiendum cessante strepitu & inquietudine sensuum & creaturarum. Mystici vero magis propriè Ecstasis esse dicunt elevationem mentis in Deum cum abstractione à sensibus exterioribus ex magnitudine ipsius elevationis procedentem. Anima siquidem, cùm sit virtutis finita, quantò intensius & efficacius actui uoiius potentiae attendit, tanto magis in actibus aliorum remittitur; & quid magis elevatur, ea amplius retrahitur; ita ut aliquando omni sensuum usu destituatur, nec praesentia cernens, nec voces loquentium percipiens, cùm videlicet divinis rebus inspicendiis ac diligendiis, Deo illam trahente & illuminante, magnâ intensione incumbit. Sola potentia vegetativa, ut docet S. Thomas (c), ab actibus suis in Ecstasi non cessat, quia per modum naturæ solis actibus primarum qualitatum operatur, non autem ex intentione animæ, cùm non sit cognoscitiva: alioquin cessantibus ejus operationibus

Mm. 2. cessa-

(a) *Eib. 2. 43. simile q. 1. In Psal. 67. (b) Degradi. contempt. (c) 2. 2. q. 173. art. 5. & de Verit. q. 13. art. 4.*

cessaret nutritio, quæ semper animali est necessaria, ex quo sequeretur actualis animæ à corpore separatio, quæ ad Ecstasim non requiritur; sed tantum ne ad phantasmatæ, & ad objecta sensibiliæ convertatur, ut possit ad divina elevari, quæ omnia phantasmatæ, omnemque speciem intelligibilem creatam excedunt. Quidam Philosophi Ecstasim fieri existimârunt, animâ à corpore re ipsâ separatâ, & ad ipsum post raptum redeuntem. Quam opinionem exemplo probant Eri Armenii, qui ut narrat Plato (d), pro mortuo habitus animâ redeunte revixit, & præmia ac pœnas alterius vitæ enarravit. Refert quoque Plinius (e) Hermotimi Clazomenii animam relicto corpore errare solitam vagamque è longinquò multa annunciasse, quæ nisi à præfente nosci non possent, donec ejus inimici corpore cremato remeanti animæ velut vaginam ademerunt. Sed hæc ad fabulas, vel ad ludibria dæmonum referenda sunt, ut observant ex nostris Origenes (f) & Tertullianus (g). An verò anima per divinam potentiam in altiori ac vehementiori raptu è corpore interdum abierit vel abire posset, quæstio anceps & difficilis est: nam Apostolus (h) raptus ad tertium cælum se nescire professus est an in corpore vel extra corpus id contigerit. Quod autem tantus vir ignoravit, nostrum non est definire. Quis enim, inquit Augustinus de Pauli raptu doctissime disputans (i), audet dicere scire, quod se nescire Apostolus dixit? Eadem ignorantia Theresia mentem invasit, raptus enim effectus describens in Castro animæ, ait (k), *An in corpore, vel extra corpus hæc gerantur dicere nequo: certè jurejurando asseverare non ausim, animam in corpore tunc esse, uti nec corpus interrea sine anima vivere.* Tum aliquâ adhibitâ similitudine ad ejus rei explicationem concludit se nescire quid dicat. At verò Catharina Senensis (l) & ipsa divina patiens ulterius progredi non dubitavit pro certo afferens, animam suam aliquando è corpore discessisse, & bona immortalia degustasse: quam animæ à corpore separationem ad tempus fieri nonnunquam posse, non viribus naturæ, sed divinæ virtutis omnipotentiâ, manifestum est.

II. Audiamus expertos, ipsi nos docebunt, quid anima agat, vel potius quid patiatur; cum in sublime raptæ sensus & corpus deserit, Deique

(d) Lib. 10. de Rep. Max. Tyrus serm. 28. (e) Lib. 7. bish. nat. c. 52. (f) Lib. 3. adv. Celsum. (g) Lib. de anima c. 44. (h) 2 Cor 12. (i) Lib. 12. de Gen. ad lit. c. 1. (k) Mans. 6. c. 5. (l) Epist 12, ad P. Raym.

præsentia fruatur in placida atque dulcissima contemplatione. Augustinus humanam mentem posse divinitus rapi ex hac ad Angelicam vitam, antequam per mortem carne solvatur, asserit his verbis. „Sic enim, inquit, (m) raptus est qui auctor divit illic ineffabilia verba, que non licet homini loqui; ubi usque adeo facta est ab humanis vita sensibus quedam intentionis aversio, ut sive in corpore, sive extra corpus fuerit, id est, utrum sicut solet in vehementiori ecstasi mens ab hac vita in illam vitam fuerit alienata, manente corporis vinculo, an omnino resolutio facta fuerit, qualis in plena morte contingit, nescire se diceret. Ita sit, ut & illud verum sit quod dictum est, *Nemo potest faciem meam videre, & vivere,* quia necesse est abstrahi ab hac vita mentem, quando in illius ineffabilitatem visionis assumitur; & non sit incredibile quibusdam sanctis nondum ita defunctis, ut se pelienda cadavera remanerent, etiam istam excellentiam revelationis ejus concessam fuisse. Quod exigitimo cogitasse illum, qui noluit dicere. Idem explicans Psalmistæ verba dicentis, (n) ego dixi in excessu mentis meæ, ubi ipse legit in ecstasi mea, sic loquitur: (o) „Videtur mihi qui hoc dixit levasse ad Deum animam suam, & pervenisse spirituali quodam contactu ad illam incommutabilem lucem, camque infirmitate conspectus ferre non valuisse: & in suam quasi ægritudinem atque languorem iterum recidisse, & comparasse se illi, & sensisse adhuc contempnere non posse aciem mentis suæ luci sapientiae Dei. Et quia hoc in ecstasi fecerat, abreptus à sensibus corporis & subreptus in Deum, ait: *Ego dixi in Ecstasi mea.* Vidi nescio quid in ecstasi, quod diu ferre non potui: & redditus mortalibus membris & multis mortalium cogitationibus à corpore, quod aggravat animam, Dixi. Quid? Projectus sum à facie oculorum tuorum. Longè sursum es, longè deorsum sum. Abbas Joannes apud Cassianum, quid sibi in ecstasi contingere, sic enarrat. (p) „Memini me in hujusmodi raptum frequenter excessum, ut obliviscerer me sarcinam corporeæ fragilitatis indutum, mentemque meam ita omnes exteriores sensus subito respuisse, & à cunctis materialibus rebus omnibus exulasse, ut neque oculi, neque aures meæ proprio fungerentur officio, & ita divinis meditationibus ac spiritualibus theoriis animus.

(m) Epist. 102. (n) Ps. 30. (o) Ser. 63. de veritate Domini. (p) Collat. 19. c. 4.

animus replebatur, ut sœpè ad vesperam ci-
bum me percepisse nescirem, ac sequen-
te die de hesterna absolutione jejunii peni-
tius dubitarem. His Bernardus adstipulatur;
quem ex propria experientia loqui nemo ambi-
gere potest. Ego, inquit, (q) non absurdè sponsa ec-
stasim vocaverim mortem, qua tamen non vita. sed
vita eripiat laqueis: si tamen eo usque mente secedat
& avole, & huic communem transcendat usum &
consuetudinem cogitandi. Quid enim formidetur luxu-
ria, ubi nec vita sentitur? Excedente quippe anima,
senon vita, certè vita sensu, necesse est etiam ut nec vi-
ta tentatio sentiatur. Utinam hac morte ego frequen-
ter cadam, ut evadam laqueos mortis, ut non sen-
tiam vita luxuriantis mortisera blandimenta. Bona
mors, qua vitam non afferit sed transfert in melius:
bona, quā non corpus cadit, sed anima sublevatur.
Verum hoc hominum est. Sed moriatur anima mea
morte etiam, si dici potest, Angelorum, ut præsen-
tium memoriam excedens, verum se in exteriorum corpo-
reumque non modo cupiditatibus, sed & similitudi-
nibus exuat, sitque ei pura cum illis conversatio,
cum quibus est puritatis similitudo. Idem alibi lo-
quens de anima cui datum est excedere, & cum
Verbo esse, eoque frui ad jucunditatem; ait: (r)
Pergat quis forsitan querere à me Verbo frui quid sit?
Respondeo: Quarat potius experientiam quo id querat.
Aut si & mihi experiiri daretur, putas me posse elo-
qui quod ineffabile est? Aliud mihi cum Deo, solo
arbitrio Deo: aliud vobis cum mihi. Illud licuit expe-
riiri, sed minime loqui. Non docet hoc lingua, sed
docet gratia. In raptu enim supernaturali non sol-
lum loqui, sed etiam concipere non potest anima
quod videt, eo ipso tempore quo videt: tum
quia objectum cū sit infinitum omnes concep-
tus, omniumque verborum vim & energiam ex-
cedit: tum etiam quia judicium ferri de eo non
potest, nisi se mens ad actionem suam conver-
tat; id verò, quādū divinis inspicendi inhæ-
ret, non est in ejus potestate; nam adeò intimè
unitur objecto, ut nullam vim habeat ad alteram
actionem eliciendam. Reversa autem ab ecstasi
felicitatem quā potita est verbis exprimere ne-
quit, eo tunc lumine deficiente, cuius splendore
illustrata divinis gaudius fruebatur. Confirmat
haec omnia mirabilis virgo Theresia verè Theó-
didacta, ecstases suas passim enarrans (f). Docet
enim animam, cū sibi post raptum reddita est,
nihil eorum quæ vidit posse alii referre, neque
eorum recordari, nisi confusa & generali quādam

cognitione: ut si quis intimum Regis cubiculum
vafis, tabulis, statuis, aliisque pretiosissimis ac
mirā arte dispositis ornamentis refertum ingre-
sus fuerit, eaque omnia sim in oculos incurvant,
fieri non potest, ut de singulis postmodum in
tanta rerum copia & varietate recordetur: ita
anima ad Dei conspectum extra sensus admissa
tot mirabilia in eo conspicit, ut ipsorum singul-
latim meminisse non possit. Hominis vero in
ecstasim rapti pathemata describens ait: Videtur
anima in raptu corpus non habere nec animare:
deficit calor, intercipitur respiratio, adeò ut nec
minimus halitus sive motus percipiatur: accedit
membrorum omnium rigor & frigus, pallor in
vultu, & omnia vel morientis vel mortui sym-
ptoma. Resistere raptui, aut reluctari non valet
quācumque adhibitā contentionē, nam impetus
quidam vehementissimus ita repente animam ab-
ripit, ut susfolli se videat nesciens quo feratur.
Videtur sibi in alia regione esse ab hac multū
diffimili, in qua alia lux fulget, alius est modus
vivendi & intelligendi. Nec solum anima, sed
corpus quoque aliquando sursum fertur, & à
terra elevatur. Hoc est autem discrimen, quo
inter se distinguantur raptus & Ecstasis (t), nam
hæc suavius mentem à sensibus abstrahit, ille for-
tiūs & cum quadam violentia, ita quod raptus
hoc Ecstasi addit, quod vim quodammodo afferit
animæ, tamque celerrimè ac potentissimè à sen-
sibilibus avellit, & ad invisibilium intellectua-
lem inspectionem & amorem impellit ac sursum
tollit.

III. Ecstasim ergò sive raptum pati quis di-
citur, cū extra se ponitur. Hoc autem con-
tingit & secundum vim apprehensivam, & secundum vim appetitivam, ut docet Princeps
Theologorum (u). In facultate, quæ cognitioni
deservit, dicitur esse formaliter, quia ex intenta
uniuersi meditatione abstrahitur intellectus ab aliis:
in potentia appetitiva causâliter, affectus enim
vehementia absorbet animam, nec finit sui juris
esse. Celebris est Dionysii sententia (x) Amor ec-
stasim facit: licet enim ad Deum durabus alis evo-
let anima, cognitione scilicet & amore; amor
tamen majorem vim & agilitatem ad volandum
præbet: cognitio siquidem assimulatio quædam
est, ad hoc tantum requisita, ut amorem accendar;
amor autem vim habet unitivam transformans
amantem in amatum, sicut dicebat Apostolus (y)
Vivo ego, jam non ego, vivit verò in me Christus.

M m 3 Ideo

(q) Serm. 52. in cant. (r) Serm. 85. in cant. (f)

In Castro anima mans. &c. cap. 4. &c. vita & sue cap.
20. &c. 21.

(t) Thom. 2. 2. q. 175. art. 2. (u) 1. 2. qu. 28. art. 3.

(x) De div. nomin. c. 4. §. 13. (y) Galat. 2. 20.

Ideo Platonici perfectam Dei notitiam, quam scientiae negant, tribuant amori, quia per cognitionem Deum videmus, per amorem possidemus, & ipsa possessione cognoscimus, nam ut ait Gregorius Magnus (z), *ipse amor notitia est.* Bernardus quoque, cum duplarem causam excessus esse statuat (a), lucem nimirum & amorem; partem tamen potissimum amori tribuit, a quo anima introducitur in cellam vinariam, ita ut possit dicere, *Concaluit cor meum intra me, & in meditatione mea exardescit ignis (b).* Cum enim, inquit, duo & sint beatæ contemplationis excessus, in intellectu unus, & alter in affectu: unus in lumine, alter in fervore: unus in agnitione, alter in devotione: pius sanè affectus, & peccatum amore calens, & sanctæ devotionis infusio, etiam & vehebens spiritus repletus zelo non plane aliunde quam à cella vinaria reportantur. Consentit Bernardo Richardus (c), qui tres causas assignans, quibus in mentis alienationem abducimur; duas affectui, unam applicat intellectui. Prima est magnitudo devotionis sive amoris, cum mens humana tanto cœlestis desiderii igne succenditur, ut amoris intimi flamma ultrà humanum modum crescens animam instar cere liquefactam à pristino statu resolvat, & in superna attollat. Secunda est magnitudo admirationis, quæ anima suprà seipsum dicitur, cum divino lumine iradiata, & in summa pulchritudinis admiratione suspensa à suo statu excutitur, & in sublimia in modum fulgoris coruscantis elevatur. Incipit autem hic excessus ab admiranda primæ veritatis contemplatione, veluti ab aurora, à qua paulatim procedens in diem definit ferventissimi amoris. Tertia est magnitudo jucunditatis & exultationis, cum mens hominis internæ suavitatis libertate potata & inebriata, quid sit, quid fuerit penitus obliviscitur, & in supermundanum quendam affectum transformata à seipso alienatur. His de causis accidere ecstasim docet Richardus, eamque ait in fine libri tribus gradibus progreedi (d); „Ascendit enim aliquando suprà sensum corporalem, aliquando etiam suprà imaginationem, aliquando vero suprà rationem. Quis autem illam, quæ suprà sensum corporum, seu illam quæ suprà imaginationem est, negare audeat, cum illam etiam, quæ suprà rationem est, Apostolica auctoritas convincat: inquit, hominem sive in corpore, sive extra corpus nescio, Deus scit, raptum ejusmodi

(z) Hom. 27. in Evang. (a) Ser. 49. in can. (b) Ps. 38.

(c) Lib. 5. de contempl. cap. 5. & seq. (d) Cap. 19.

usque ad tertium cœlum. „Ecce quia humanam, rationem mentis alienatione transierat, quid circa se plenius ageretur, penitus discernere nequibat. Fit itaque ecstasis primo & imperfectior modo, cum anima contemplationi intenta tam suam vim ita actibus internis applicat, ut externis sensibus non attendat, quare cessat illorum usus, & ab externis objectis ad suas functiones exercendas non excitantur. Secundò fit, cum etiam interni sensus in altissima contemplatione absorbentur, & Deo negante concursum suum impediuntur, ne ferantur in objecta, ad quæ naturaliter inclinantur. Tertius & supremus gradus est, cum pars superior anima ratio scilicet & voluntas suprà phantasmatu & omnia sensibilia eleventur in Deum, modo supernaturali & occulto, quem illi dumtaxat nōrunt, qui experti sunt. In hoc gradu (e) „est illa pax, in qua anima obdormit, pax quæ mentem ad interiora rapit, pax quæ exteriorum omnium memoriam intercipit, quæ ingenii acumen exuperat, quæ rationis lumen reverberat, quæ desiderium cordis replet, quæ omnem intellectum absorbet. Si mul enim absorbet cogitationem, imaginacionem, rationem, memoriam, intelligentiam, ut constat quod Apostolus scribit, quia exuperat omnem sensum.

V. Alio modo Franciscus Salesius considerat ecstasim in divino tractatu de Amore Dei, ubi tres eius species constituit, intellectus, voluntatis, & actionis. Una, inquit (f), in intellectu, alia in affectu, tertia in actione: una in splendore, alia in fervore, tertia in opere: una fit per admirationem, alia per devotionem, tertia per operationem. Prima provenit ex speciali claritate, quæ cœlitus imbuta mens novam aliquam veritatem percipit antea ignorat, ex cuius notitia miratur, & supra se elevarunt. Secunda oritur ex natura & conditione amoris, qui ecstaticus est; nam Deus, cum sit immensæ bonitatis & pulchritudinis, trahit voluntatem ad amorem sui: quemadmodum acus tactu magnetis vitam, ut ita dicam, ac sensum adepta huc illuc circumvolvit, nec quiescit donec ad Polum se convertat: ita anima divini amoris contactu à vinculis carnis soluta & à sensuum commercio libera sursum rapitur ad unionem cum summo bono. Splendor autem & fervor ut plurimum connexi sunt, unusquisque ab altero dependet, sed non semper: sicut enim Philosophi plus notitiae quæ amoris habuerunt, ita sapientia in Christianis plus amoris quæ cognitionis reperitur, imò ecstasis

(e) Richar. in Ps. 4. (f) Lib. 7. cap. 4.

ecstasis supernaturalis voluntatis potius est quam intellectus, majoremque fervorem habet quam claritatem. Tertia, quae duas priores perficit, est ecstasis vitæ & actionum, cum elevatur anima à terrenis affectionibus, & à vitiis depravatæ naturæ; Deique gratia aspirante ad observantiam mandatorum Dei, ad recipiendas supernas inspirationes, & ad actus virtutum perfectè exercendos supra communem hominum conditionem erigitur. Cum quis ergo humilitatem superbiam, paupertatem divitias, honoribus contemptum, voluptatibus continentiam præfert, hic supra se in vita ecstatica versatur, continuo raptus actionis & vitæ à Deo trahitur, & ultra natura vires sustollitur. Raptus iste potior est & securior quam raptus intellectus & voluntatis, non est subiectus illusionibus, minus splendoris habet, plus sanctitatis. Agit in hoc homo, in illis agitur. Quod verò attinet ad causam efficientem ecstasis, à doctrina S. Thomæ (g) discedendum non est, qui ait, ex tripli causa posse contingere, ex causa corporali seu naturali, virtute dæmonis, & Dei operatione. Naturaliter quedam ecstasis & à sensibus alienatio sit ex morbo, quem catochen seu *catalepsin* vocant Medici, de quo Fernelius (h) & Sennertus (i) agunt: nam eo correpti omni sensu & motu destituuntur, ac in eo situ, quo deprehensi fuerint, rigidi & immobiles manent, aperti & immoti oculis, vigilantis figuram retinentes, licet omnis sensuum functio consopita sit. Exemplum afferit Galenus (k) cuiusdam sui discipuli, qui cum assiduo disciplinarum studio se fatigaret, hoc morbo corruptus est. „Jacebat, „air, velut lignum prorsus inflexus atque extensus, videbaturque oculis apertis nos intueri, „ut ne conniveret quidem; nihil tamen loquebatur. Is quoque tempore eodem quæ loquens remur audire se dixit, quamquam non evidenter clarèque: nonnulla item & memoriæ tenens referebat, praesentesque omnes sese conspicere dixit; sed neque loqui posse, neque membrum ullum movere. Alterius casum narrat Fernelius, qui neque audiebat, neque compunctus sentiebat, sed jacebat velut mortuus. Interdum etiam raptus creditur ab inexpertis quod est deliquium: de qua re diffuse tractat & profert exempla S. Theresia (l) in libro fundationum. Alii Lethargum inter morbos ecstasim cauſantes recentent;

(g) 2.2. qu. 175. art. 1. (h) *Fern. lib. 5. Patol. c. 2.* (i) *Sennert. Instit. med. lib. 2. part. 3. sec. 1. cap. 9.* (k) *Comment. 2. in lib. 1. Hipp. tex. 56. (l) Cap. 6.*

sed revera Lethargo correpti profundo somno merguntur rerum omnium ignari, quod ad ecstasim non spectat. Vera item ecstasis sive à sensibus alienatio fieri potest ex vehementi imaginacione: tunc enim confluent spiritus animales in cerebrum, & sensuum exteriorum functiones impedit, manente homine abstractio & sine motu, eosque sibi praesentes singente, & cum illis miscente colloquia, quibus hæret imaginatio: sicut accidit in somnio, à quo non differt ecstasis ista, nisi quod illud dormienti, haec vigilanti continet. Quod verò intensior imaginatio fuerit, ed major spirituum copia cerebrum obsidet, sicut fortior & longior abstractio, praesertim cum spiritus crassiores sunt & melancholici, qui difficilius dissipantur. Platonem legimus Philosophicis speculationibus ita quandoque intentum, ut sensuum usu careret. Socrates, ipso Platone referente (m), integro die immobilis stetit cogitabundus & abstractus. Eudem excessum contingit. Carneadi scribit Valerius Maximus (n), Plotino Porphyrius (o), Jamblico Euaplius (p). Nota quoque est Thomæ Aquinatis abstractio, qui regiae mensæ accumbens conclusum esse adversus Manichæos exclamavit. Nemo item ignorat, quod narrat Augustinus de Restituto Presbytero Calameni (q), qui quando ei placebat, ita se auferebat à sensibus, & jacebat simillimus mortuis, ut non solum vellicantes atque pungentes minime sentiret; sed aliquando etiam igne ureretur ad moto sine ullo doloris sensu, nisi postmodum ex vulnere: hominum tamen voces, si clarius loquerentur, tanquam de longinquæ se audivisse postea referebantur. Atqui hoc mirabile est, objectum enim vehementius est ignis admotus, quam vox prolatæ. Quod verò aliquis elevetur ad divina cum abstractione à sensibus, non est homini naturale, ut docet S. Thomas (r). Dæmon autem ecstasim facit ligando sensus, viisque obstruendo, per quas spiritus à cerebro in ipsos sensus exteriores difunduntur. Tales fuisse ecstases Plotini, & aliorum illius ævi Platonicorum, credidit Augustinus. Ecstases item Montani hæresiarchæ, ejusque muliercularum nulli dubium esse potest, quia à malis spiritibus orirentur. Non est autem hic omitienda descriptio ecstasis, quam sibi contingit scribit auctor libri de secretori Philosophia secundum Ægyptios, qui perperam tribuitur Aristotelii. Ego, inquit (s), saepius animo contemplans

relichto

(m) *In Convivio.* (n) *Val. lib. 8. c. 7.* (o) *Porph. in vita Plotini.* (p) *Eunap. in Jamblico.* (q) *De Civ. Dei lib. 14. c. 24.* (r) *2.2. qu. 175. art. 1. ad 1.* (s) *L. 1. c. 4.*

relicto corpore visus sum perfrui summo bono cum voluptate incredibili. Quare hæsi quodammodo attonitus, me esse partem quendam superioris mundi, atque me adeptum vitæ immortalitatem sentiens sub luce maxima, quæ neque oratione exprimi potest, neque auribus percipi, neque cogitatione: defessus intellectus recidit in phantasiam, tuncque illâ luce deficiente factus sum tristior. Hæc ille vel naturali contemplatione in altum elatus, vel à malignis spiritibus illusus.

V. His ita constitutis de natura ac divisione ecstasis & raptus, restat nunc pars difficilior & operosior de discernendis naturalibus & dæmoniacis à supernaturalibus & divinis: nam diaboli fraudes innumerabiles sunt, multiformia imaginationis figura, via quoque Dei investigabiles, nec facile ab inexpertis, qualis sum ego, comprehendendi possunt. Ex quo licet concludere, incertum & fallax de his judicium fore, nisi aliena utamur experientiâ, sicut ait Richardus (s), *Melius in hoc nos illorum peritia instruit, quos ad sapientie hujus plenitudinem non tam aliena doctrina, quam propria experientia proverit.* Ex his regulas selectas excerpisti, quibus difficile non erit verum à falso internoscere, si non una tantum, aut altera, sed plures ad judicandum de veris raptibus adhibeantur.

1. Ecstasis naturalis ex capitis intemperie, vel ex catalepsi, aut ex alia morboſa qualitate proveniens medicorum peritiâ, ex his quæ corpus patitur, sine difficultate deprehenditur. Ex hominis quoque temperamento certum ecstasis judicium fieri potest, nam qui atrâ bile abundant, ita mentem uni obiecto applicare solent, ut à reliquis omnibus avocentur. Illi etiam, qui vehementer aliquid cupiunt vel amant, aut gravi aliquo dolore sive tristitia afficiuntur, in illud solum intenti ita sèpè à sensibus abstrahuntur, ut in ecstasim rapti videantur. Vix tamen fieri potest, ut tanta in his alienatio fiat, quin aliquis sensus usus remaneat. Observat etiam Cajetanus (u), „quod pluries contingent personis patientibus „ecstasim causantur originaliter ex sua apprehensione, quamvis forte consuetudo mutata in naturam, etiam invitâ postmodum afficiat. Cujus signum est, quod si diutius ad oppositos mentis actus se toto conatu transferunt, ab his, iusmodi accidentibus deferuntur. Hæc ille, qui subdit se hoc certâ experientiâ didicisse.

2. Hinc sequitur, magnam cautionem in raptibus incipientium judicandis adhibendam esse:

(s) Lib. 5. de contempl. c. 19. (u) 1. 2. qu. 17. art. 7.

spiritus enim debilis, cùm rerum divinarum meditationi, cui assuetus non erat, studiosius incumbit, ita plerumque illarum novitate & suavitate afficitur, ut reliquorum omnium oblitus, extra sensus sustollî censeatur. Sicut ebrietas oriri solet ex vini validioris generositate, & ex capitis infirmitate: ita ecstasis in incipientibus ex nimia divinæ operationis dulcedine, cui ferenda pares non sunt, nonnunquam contingit. Usu ipso didicimus, nonnullos reperiri adeò firmo capite, ut vinum etiam largius sumptum nihil eis nocimenti afferat; quidam vero vel unicō haustu inebriantur. Ita in usu spiritualium deliciarum accidit, ut, qui spiritu debiliori sunt, minus quoque idonei sint ad illarum suavitatem sine aliquo excessu ferendam. Quamquam aliquando tantâ libertate etiam illis, qui perfectiores sunt, à Deo infundatur, ut vitam corporalem adimere potens sit, nisi illam divina providentia aut minueret, aut subtraheret.

3. Debet vir prudens, qui animas regendas suscepit, cùm quis ecstasies patitur, sedulò pendere, an ejus anima tantæ gratiae capax sit, an omnem affectum erga creaturas exuerit, ad quem gradum divini amoris pervenerit, quâ puritate niteat, quâ humilitate prædicta sit. Deinde observandum, an sicut in mente, ita etiam in moribus ecstasim habeat, an videlicet vita vivat supermundanâ, & in Deum elevatâ per omnimodam abnegationem: cujus enim vita donis hujusmodi non consentit, ejus raptus maximo periculo expositi sunt; nec veri raptus consentur, sed diaboli potius illusiones. Non dico quod omni imperfectione carere debeat, quia elevatio in Deum neminem eximit à conditione nostræ mortalitatis quotidianis defectibus obnoxiae; sed hoc solum cavendum, ne sanctitas ex his aestimetur; ex quo etiam fit, ut hæc dona parvi pendenda sint, nisi contingent personis probata sanctitatis, qui ex illis proficiant, & in virtutibus solidentur, ita ut evidens sit, quod à dæmons non decipiuntur. Consilium item saluberrimum est tamen incipientibus, quâ proœctis illa respuere & quantum fieri potest impeditre exemplo Sanctorum. De Abate Siso legitimus (x) quod si aliquando stabat ad orationem, nisi citò deponeret manus suas, rapiebatur mens ejus in superioribus. Si ergo contingebat cum eo aliquem fratrem orare, festinabat citò deponere, ne mens ejus raperetur.

Ro-

(x) Vita Patrum lib. 5. libello 12.



Rogérius Ordinis Minorum, ut Lucas Vadinius narrat (g), Confessario suo verba facienti de creberrimis raptibus B. Aegidii dicebat, menti defacatae & in Deum elevatae facillimum esse in ecstasim rapi. Tum ait, se cognovisse hominem, qui sèpè uno die totis viribus restitit, ne extra se rapere tur, tantèque vi indiguisse, ne Deo per ecstasim jungeretur, quantà alii uti solent, ut ad eum appropinquent. Eidem gratiæ sèpius resistebat S. Theresia, præsertim cùm in præsentia Sororum versabatur; de se enim humiliter sentiunt servi Dei: seque indignos cùm gratiâ repellant, & illis molestissimum est, in conspectu hominum apparere. Par quoque est, ut sapiens director, cùm videt animam ad sublimiorē sanctitatis gradum pervenisse, id nequaquam illi significet; sed eam finat in simplicitate cordis & status sui ignoratione Deum trahentem sequi. Hæc enim est certa tuitio donorum Dei, & custodia humilitatis.

4. Quod ecstasis à malo spiritu, vel ab aliqua causa naturali proveniat, signum est vel saltē suspicio, cùm quis jactat se rapi quandocumque voluerit, nemini enim datur raptus per modum habitus, sed divina gratia ad se animam trahit quando vult & quomodo vult: Cùm pro arbitrio suo cessat ab ecstasi, vel ad certam vocem revocatur ad sensus, quia virtus divina non est verbis alligata, nisi sit vox Superioris ex obedientia vocantis: quod tamen signum non est infallibile, nisi cætera consentiant: Cùm raptæ mens multitudine cogitationum, & speciebus creaturæ occupatur, aut distortis phantasmatisibus perturbatur, nam in vero raptu in uno Deo defixa mens, & in ipso mirabiliter subsistens omnium obliviscitur, quæ extra ipsum sunt, ut nec quidem pro amicis orare possit, aut aliquid velle, nisi quod ipse vult. Si quis etiam per plures dies sine cibo & potu in ecstasi permaneat, miraculo adscribi solet, sed non semper hoc evinit ecstasim esse supernaturalem: multas enim multorum historias referunt Medici, qui citra miraculum absque cibo & potu diu incolumes permanerunt. Plures in quæstionibus medico-legalibus congerit Zachias (z). Illorum quoque falsæ sunt ecstases, qui cum gestibus & motibus indecoris rapiuntur, qui in ipso raptu verba proferunt inutilia, confusa, inepta, indiscreta; qui ipsas suas ecstases ostentant, fibique factas revelationes referunt de rebus vanis, inutilibus, & curiosis: qui non student meliores fieri, & se in humilitate custodiare. Optimè Cajetanus (a),

(y) Anno. 1287. nro. 10. (z) Lib. 4. tit. 1. qu. 7.

(a) 2. 2. qu. 173. art. 3.

,Oportet advertere in hujusmodi alienationib⁹, si interveniat aliiquid indecens secundū motus intrinsecos vel extrinsecos, sive sit indecentia naturæ, sive indecentia moris, quoniam tunc non est alienatio prophetica, sed infirmatis, vel fictionis, vel illusionis diabolice, aut naturaliter animalis ex nimia meditatione aliquis. Idem addit ibidem. Alienatos in ipsa alienatione loquentes, qui postmodum nescientes quid dixerunt, ad ea se referunt, quæ in ecstasi dixerint; itemque eos qui velint nolint quæcumque vident quasi acti ab alio enuntiant, non esse veros Prophetas. Et hinc patet, inquit, quod persona in ecstasi posita loquenter in persona Christi vel alterius Sancti quasi actæ ab illo, & non ex proprio sensu, aut seducuntur aut seducuntur. Et tamen mundus stultus miratur, stupet, adorat hujusmodi verba, hujusmodi actus, hujusmodi personas. Non enim advertunt, quod sicut docet Apostolus (b), spiritus Prophetarum Prophétia subiecti sunt, mente scilicet quietâ loquuntur, neque impetu aguntur velut fanatici; sed possunt tacere cùm volunt, & sermonem in tempus opportunitum differre.

5. Ecstasis divina plena est timoris atque formidinis, quia licet anima propensionem ad Deum maximam habeat, tanquam ad finem & centrum suum, ille tamen modus tendendi ad ipsum sine sensuum ministerio, ut potè alienus à naturali conditione, horrendum illi timorem incutit, qualis homini accideret, qui cùm cepisset in altissimam turrim per scalæ gradus paulatim ascendere, repente raptus per aera in apice turris poneretur. Hæc autem formido summa parit humilitatem, tum propter periculum gravioris lapsus à loco sublimiori; tum quia anima ad lucem inaccessiblem elevata videt in ea minimos quoque defectus suos, clarèq; cognoscens quantum distet à puritate & perfectione, quæ sibi necessaria est ut tantis donis digna sit, timore & confusione repletur.

6. Cum homo exterior eodem fere modo tam in vero, quam in falso raptu se habeat, ut unum ab altero internoscatur, inquirenda primum est ejus origo & occasio, tum omnes circumstantiae & effectus examinandi. An videlicet ex intenta alicuius objecti meditatione, an ex magnitudine amoris processerit. An ecstasi repentina absorptus fuerit, an data aliquā occasione, & quæ illa sit: an ex aliqua visione, & in ea quid senserit tam in anima, quam in corpore. An positus in ecstasi aliquid intelligat, & si

N n

quæ

(b) 1 Cor. 14; 32.

que fuerint aliarum potentiarum operationes. An audierit aliqua verba, & quae sint illa, & an viderit ea proferentem: an sint admonitiones & consilia, & ad quid tendant: an prænuncient aliud futuram, & tunc eventus veritatem ostenderet: an defectus vel peccata alicujus manifestent, & cui bono: an alicui infamiae nota inuratur. An ecstasis in locis publicis & ubi major hominum frequentia saepius contingat: an illi conetur resistere, an querat se absconde-re. An meminerit post raptum eorum que vidit & dixit: an menti firmiter hæreant etiam post longum tempus: nam si omnium obliviscitur, morbus potius quam ecstasis censeri debet. An de raptu ejusque veritate dubitet: nam qui verè raptus est, nullatenus dubitare potest, quin in Deo fuerit, & Deus in illo. An remaneat in corpore languor, maces, debilitas, sicut ait Daniel Propheta (e): *Vidi visionem grandem hanc, & non remansit in me fortitudo; sed & species mea immutata est in me, & emarcui, nec habui quidquam virum: quia vi mentis in rerum divinarum contemplatione defixa, calore quoque vitali ad mentis functiones contracto, & vehementia amoris in partem sensitivam redundantem, necesse est obrundi vires vitae corporali servientes, & frigescere corpus, & pallescere, & infirmari.* Hac item de causa solet raptus modico tempore durare propter violentiam quaenam sensibus & corpori infertur. Nec obstat, quod prolixiores raptus quibusdam viris sanctis interdum accidisse legamus: nam vel aliqua intermissione, vel minus perfecta alienatio erat; præterquam quodd in nonnullis nimia virtum imbecillitas deliquium & quandam à sensibus alienationem operatur, quod ex hoc evidens sit, quia si nimia eorum jejunia impedianter, si desperditæ vires instaurentur, protinus cessant in eis raptus, quo remedio usum fuisse S. Tereham (d) erga quandam Monialem supra à nobis ostensum est.

7. Nullum autem certius indicium ecstasis veræ ac supernaturalis, quâm si mores eius qui rapitur cum hoc divino munere consentiant; ut supra diximus, si nimirum mundum contemnit, si ejus pompas & vanitates detestatur, si efficax Deo serviendi propositum habet, si se indignum eâ gratiâ reputat, si majorem in dies progressum facit, si ex intima cum Deo unione crescit in eo humilitas, abnegatio, odium sui, & amor Dei. Oritur etiam ex vera ecstasi anxium mortis desiderium, sicut dicebat Apostolus, (e) *Deside-*

(c) *Dam. 10: 8.* (d) *In Fundat. c. 6.* (e) *Philip. 1: 23.*

rium habens dissolvi & esse cum Christo: jubilus quoque & gaudium omnium potentiarum, quæ diem festum agunt Deo tantâ exultatione, ut nec eam expiriñere, nec capere, aut ferre queat. Factus est, ait Jeremias, (f) in corde meo quæsignis exæstuans, claususque in ossibus meis, & defecti, ferre non sufficiens. „Raptus etenim & absorptus, verba sunt Dionysii Cartusiani, (g), introductus „& immersus animus in divitias gloriae, in oce-„num deitatis immense, p̄e admiratione in-„circumscripibilis majestatis, & eoris aeterni „prosperus independentis, nulliusque indigentis, „cujus nulla est causa, in cuius manu sunt omnia: „deficit prospers ac deficit à seipso, transfigue-„tus in principem majestatis, in fontem lu-„minis, in deitatis abyssum: conquiescens at-„que obdormiens in dilecto, & aliud nil adver-„tens, totum p̄aoccupante ardore amoris. Cūm verò anima, ipsa nesciente neque cogitan-„te, repente rapitur ad divina spectacula, tanta vis esse solet cœlestis illustrationis. tanta spiritus & amoris efficacia, ut aliquando ipsum corpus in aëre sustollat: in quo raptu tancam patitur vio-„lentiam, ut non possit illi obniti. Illos aurem felicissimos vocat Bernardus, (h) qui sic rapiuntur, „qui in profundissima Dei misericordia, „quasi quodammodo sepulta iam arbitrii sui po-„testate, in divitias gloriae in spiritu ardoris ra-„piuntur, nescientes sive in corpore, sive extra „corpus, hoc solum scientes, quod rapti sunt.

(f) *Jer. 20: 8.* (g) *Desonestucis art. 17.* (h) *Ser. 2. in Ascens. Domini.*

C A P U T . X V .

De visionibus & apparitionibus. Earum no-“ticiam difficultiam esse. Quedam de ipsis notantur. Tria earum genera. Quid sit visio, sive apparitio corporalis: quiditem imaginaria.

I. **F**acile omnes docti indoctique percipiunt, quid visionis & apparitionis nomine intellegendum sit: quomodo verò ipsæ visiones & apparitiones, occulorumque & futurorum revelationes fiant, res ardua est & difficultima explicatu, quæ non solum sapientes hujus seculi, sed & doctissimos atque sanctissimos Ecclesiæ magistros fatigavit. Augustinus, quem omnibus preferre non dubito, ab Evodio Episcopo de hac quæstione per literas interrogatus eam obscu-“rissimam.

